

Prava djece

[Bosanski – Bosnian – بوسني]

Dr. Ahmed b. Osman el-Mezjed

Prijevod:

Senad Muhić

Revizija:

Ersan Grahovac

2013 - 1434

IslamHouse.com

﴿ حقوق الأطفال ﴾

« باللغة البوسنية »

د. أحمد بن عثمان المزيّد

ترجمة:

سناد موهيتش

مراجعة:

أرسان غراهوفاتس

2013 - 1434

IslamHouse.com

Prava djece

Djetinjstvo je tajna života, životno uživanje i dar od Uzvišenog Allaha, čiju vrijednost može znati samo onaj kojem je uskraćeno i za ostvarenje toga je uložio sve što je vrijedno. Briga o djeci, samilost i blagost su stvari na koje je Allahov Poslanik, sallallahu alejhi ve sellem, podsticao i pohvalio svakog onoga ko tako čini.

Jedne prilike su neki beduini došli Poslaniku, sallallahu alejhi ve sellem, i upitali ga: „**Da li vi ljubite svoju djecu, na što je Poslanik, sallallahu alejhi ve sellem, odgovorio potvrdno.**“ Oni rekoše: „Ali mi ne ljubimo našu djecu.“ Poslanik, sallallahu alejhi ve sellem, im odgovori: „**Šta ja mogu kad vam je Allah oduzeo milost iz srca?**“¹

Poslanik, sallallahu alejhi ve sellem, bi često odlazio u daleka sela Medine da posjeti svoga sina Ibrahima koji je tamo dobio. Tamo je odlazio samo da bi poljubio svoga sina, a zatim bi se vraćao.²

Kada je umro Poslanikov unuk, njegove oči su zasuzile, pa mu je Sa'd b. Ubade rekao: „**Šta je to Božiji Poslaniče?**“, a on mu je odgovorio: „**To je samilost koju**

¹ Buhari, br. 5539., i Muslim, br. 4281.

² Muslim, br. 4280.

je Allah ulio u srca svojih robova, a Allah se neće smilovati osim onima koji su samilosni.³

Od Enesa, radijallahu anhu, se prenosi da je Allahov Poslanik, sallallahu alejhi ve sellem, posjećivao ensarije, stanovnike Medine, te ljubio njihovu djecu i milovao ih po glavi.⁴

Poslanik, sallallahu alejhi ve sellem, bi klanjao i u takvom stanju bi držao Umamu, svoju unuku, kćerku svoje kćerke Zejneb. Kada bi ustajao, uzimao bi je, a kada bi se spuštao na sedždu, ostavljao bi je.⁵

Poslanik, sallallahu alejhi ve sellem, je kazao: **„Ko rastavi dijete od njegove majke, Allah će njega na Sudnjem danu rastaviti od onih koje je volio.**“⁶

On je dozvoljavao da djeca sjede tamo gdje i odrasli i davao im je sva prava koja je davao i drugima. Od Sehla b. Sa'da Es-Sa'idija se prenosi predaja u kojoj se navodi: **„Kada bi Poslaniku, sallallahu alejhi ve sellem, bila donijeta posuda sa pićem, on bi se napio. Sa njegove lijeve strane su sjedili stariji, a sa desne dijete, te bi on kazao dječaku: 'Hoćeš li dozvoliti da prvo dadnem ovim starijim.'** (jer je sunet da se počne sa desne strane). **Dječak, koji je bio pametan, odgovori:**

³ Buhari, br. 5223., i Muslim, br. 1531.

⁴ Ibn Hibban, br. 459.

⁵ Buhari, br. 486.i Muslim, br. 844.

⁶ Tirmizi, br. 1491., i Ahmed, br. 22401.

**'Ne, tako mi Allaha, moj udio neću dati nikome.'
Poslanik, sallallahu alejhi ve sellem, mu je nakon toga
dao posudu u ruku.“⁷**

Poslanik, sallallahu alejhi ve sellem, je i onom djetetu koje se rodi i odvoji od majke (izađe iz stomaka) dao pravo da bude nasljednik.

On je uvažavao njihove osjećaje i posjećivao ih je u njihovim kućama i mjestima gdje su se sastajali, te bi bio blag sa njima i milovao ih po glavama. Među njima bi organizirao takmičenja i poklanjao nagrade.

⁷ Buhari, br. 2271.i Muslim, br. 3786.